

EVEREST IE

Rr. "Yzberish - Mezez - Komuna Kashar", Tirana Albania

Nr. Prot.0400/012

MARRËVESHJE BASHKËPUNIMI

Në Tiranë, sot më 20/11/2013, ndërmjet:

EVEREST IE është një shoqëri teresisht private, që ekziston në bazë të legjislacionit shqiptar, regjistruar në Regjistrin Tregtar me numër identifikimi (NIPT)J61924010K, me seli në adresën: Rr. "Yzberish - Mezez - Komuna Kashar", Tirana Albania, e krijuar në vitin 1995 me seli dhe ambiente prodhimi në Tiranë, e përfaqësuar nga Daniela Lika, menaxhere e mardhenieve me publikun,

dhe

Universiteti Epoka me adresë Rr. Tiranë-Rinas, Km. 12 Tirana Albania, përfaqësuar nga Güngör Turan, Dekan i Fakultetit të Shkencave Ekonomike dhe Administrative, Palët, me dëshirën për të zgjeruar marrëdhënien e bashkëpunimit midis dy institucioneve në drejtim të edukimit të studentëve në fushat e ekonomisë, financës dhe bankës dhe shkëmbimit kulturor në fushat e arsimit, kërkimit dhe aktiviteteve të tjera, bien dakord si më poshtë:

1. Objekti dhe Qëllimi

Objekti i kësaj marrëveshje është nxitja e bashkëpunimit mes palëve për programe të ofruara nga secili institucion, të cilët kontribuojnë në drejtim të edukimit të studentëve në fushat e ekonomisë, financës dhe biznesit dhe forcimin e marrëdhënieve bashkëpunuese në fusha të tjera me interes të përbashkët.

Çdo program i veçantë bashkëpunimi në kuadër të kësaj marrëveshje do t'i nënshtrohet miratimit të përbashkët, në varësi të fondeve në dispozicion dhe aprovimit të palëve.

Këto programe mund të përfshijnë, gjithnjë me aprovim paraprak, nga palët si mëposhtë:

Mundësinë e kryerjes së praktikës mësimore për studentët.
Organizimi i orëve të hapura nga anëtarë të stafit të EVEREST IE në ambientet e Universitetit.
Leksione nga anëtarët e stafit të EVEREST IE.
Organizime të aktiviteteve të përbashkëta si konferenca, seminare, etj.
Organizimi i eventeve ku biznese që janë klientë të EVEREST IE kontaktojnë me studentët.



Vendosja në web-in e Universitetit të njoftimeve dhe posterave që janë në interes të studentëve .

2. Personat e Kontaktit

Personat e kontaktit lidhur me njoftimet të cilat do të kryhen në bazë të kësaj marrëveshje, janë:

Emrat e personit të Kontaktit

a) **EVEREST IE, Emri i personit të Kontaktit:**

Daniela Lika

b) **Emri i personit të Kontaktit Universiteti Epoka:**

Güngör Turan (Dekan i Fakultetit të Shkencave Ekonomike dhe Administrative)

3. Detyrimet e Palëve

Secila nga palët nënshkruese angazhohet në ndjekjen e objektivave dhe qëllimeve të kësaj marrëveshje.

Palët bashkëpunojnë me njëra-tjetrën në sigurimin e informacionit, në kufijtë e lejuar nga legjislacioni në fuqi dhe pa shkelur konfidencialitetin, si dhe asistencën e nevojshme, sipas programit të hartuar dhe miratuar prej tyre në kuadër të kësaj marrëveshje.

Palët rishikojnë bashkarisht programet që do të hartohen në kuadër të marrëveshjes, në mënyrë që të krijojnë mundësitë më të mira për studentët dhe maksimizimin e njohurive të përfituara prej tyre.

Të identifikojnë nevoja të veçanta të cilat mund të përbëjnë bazën e projekteve të bashkëpunimit,

Të mundësojnë vizita reciproke studimore dhe akademike.

Të marrin pjesë në aktivitete të ndryshme trajnimi me interes të përbashkët për të dyja palët.

Të bëjë të disponueshëm kundrejt kërkesave të arsyetuara dokumentet e punës të konsideruar si jo konfidenciale.

4. Hyrja në fuqi

Kjo marrëveshje hyn në fuqi në datën e nënshkrimit nga të dyja palët.



5. Përfundimi i Marrëveshjes

Kjo marrëveshje mund të përfundojë në çdo kohë, nga secila palë duke njoftuar me shkrim palën tjetër, të paktën 15 ditë përpara.

Kjo marrëveshje bashkëpunimi është e një natyre tërësisht rekomanduese dhe nuk krijon detyrime ligjore për palët nënshkruese.

EVEREST IE

Daniela Lika

Departamenti I mardhenieve me publikun

EVEREST IE shpk




Datë: 20/11/2013

UNIVERSITETI EPOKA

Prof. Dr. Güngör Turan

(Dekan i Fakultetit të Shkencave Ekonomike dhe Administrative)

Universiteti Epoka



Datë: 20/11/2013